

ত্রিপুরা সরকার
তথ্য ও সংস্কৃতি অধিকার

স-৫১১৫

আগরতলা, ৭ মার্চ, ২০২৪

‘চাই ড্রাগস মুক্ত সমাজ’

আগরতলায় বর্ণাত্য শোভাযাত্রা

‘চাই ড্রাগস মুক্ত সমাজ’ শোগানকে সামনে রেখে ত্রিপুরা রাজ্য ভারত স্কাউটস ও গাইডসের উদ্যোগে এবং যুব বিষয়ক ও ক্রীড়া দপ্তরের সহযোগিতায় আজ সকালে আগরতলায় এক বর্ণাত্য শোভাযাত্রা অনুষ্ঠিত হয়। শোভাযাত্রাটি রবীন্দ্রভবনের সামনে থেকে শুরু হয়ে রাজধানীর বিভিন্ন পথ পরিক্রমা করে সিটি সেন্টারের সামনে এসে সমাপ্ত হয়। পশ্চিম ত্রিপুরা জিলা পরিষদের ভারপ্রাপ্ত সভাপতিতি হরিদুলাল আচার্য পতাকা নাড়িয়ে শোভাযাত্রার সূচনা করেন। তাছাড়াও এই অনুষ্ঠানে উপস্থিত ছিলেন যুব বিষয়ক ও ক্রীড়া দপ্তরের অধিকর্তা এস বি নাথ, যুব বিষয়ক ও ক্রীড়া দপ্তরের সহ অধিকর্তা প্রবাল কান্তি দেব, যুব বিষয়ক ও ক্রীড়া দপ্তরের সহ অধিকর্তা দেবাশিস ভট্টাচার্য, ত্রিপুরা রাজ্য ভারত স্কাউটস গাইডস এর শাখা কার্যনির্বাহক রমেন্দ্র রিয়াৎ, ইয়থ সার্ভিস শাখা কার্যনির্বাহক অর্জুন দেবনাথ, ত্রিপুরা স্কুল স্পোর্টস বোর্ড এর সহ সম্পাদক অপু রায়, ত্রিপুরা রাজ্য ভারত স্কাউটস গাইডস এর সাংগঠনিক কমিশনার মৃদুল মজুমদার এবং সহ সাংগঠনিক কমিশনার বিজয় আচার্য প্রমুখ। এই অনুষ্ঠানে পশ্চিম জেলার বিভিন্ন স্কুল থেকে ২০০ জন স্কাউটস এবং গাইডস অংশগ্রহণ করে।

যালিকে কেন্দ্র করে স্কাউটস ও গাইডসদের তরফে সারাদিনব্যাপী ড্রাগসের উপর সচেতনতা মূলক আলোচনা এবং বিপর্যয় মোকাবিলার উপর বিভিন্ন কর্মসূচি হাতে নেওয়া হয়েছে। এই কর্মসূচিতে সহযোগিতা করছে স্বাস্থ্য দপ্তর ও পুলিশ প্রশাসন। স্কাউটস গাইডস এর সদস্যরা সর্বদাই সমাজসেবা মূলক কর্মকাণ্ডে নিজেদের নিয়োজিত রাখে। কোভিড মহামারির সময়েও ত্রিপুরা রাজ্য ভারত স্কাউটস এন্ড গাইডস এর সদস্যরা তাদের সেবামূলক কর্মকাণ্ডে নিজেদের নিয়োজিত রেখেছিল।
